



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Sapiente Frvctvoso Epistolares Libri quinque

Bonifacio, Juan

Ingolstadii, 1606

Francisco Regnoso Abbati Hvsillensi. Joannes Bonifacivs S. D.

[urn:nbn:de:hbz:466:1-51159](#)



FRANCISCO
REGNOSO,
ABBATI HV-
fillensi.

JOANNES BONIFACIVS
S. D.

O GITANT i mihi, dignissime Francisci, librum hunc de *Sapiente fructuosa*, cui potissimum nuncuparem, tu occurrebas dignus hoc munere, qui & sapiens fructuosus es, & eos, qui ita sapiunt, ut salutares hominibus sint, honorare, fovere, & amare non desinjs. Ad hoc enim munus, officiumque præstan-

dum natura te peperit , consuetudo
exercuit, felicitasque seruauit. Nam
cùm es̄es tua sponte beneficis, & quæ
mundi liberator ac vindex C H R I-
S T V S , Apostolo teste,dixerat ,men-
ti penitus mandauisses , multoq; esse
beatius dare , quām accipere , tibi fa-
cile persuasiſſes : à summo illo , san-
ctissimoq; Pontifice Pio V. vt vo-
luntati aliqua ex parte respondere
facultas possèt, impetraſti. Amauit
te ille quidem vehementer , qui ne-
minem, niſi qui dignus eſſet, diligere
consueuit , tuamque fidem , pruden-
tiam , religionem , constantiam , mi-
ſericordiam admiratus talem ſe inue-
niſſe gloriabatur , quales Romano-
rum Pontificum dignitas poſcit, ne-
cessitasque deſiderat. Cuius iudi-
cium incorruptum euentus ipſe com-
probauit. Quid enim aut dicis , aut
facis , quod illo viro dignum non ſit,
quem talis ac tantus Pontifex adama-
rit? qui sapiens , sanctusque eſſet, eius
tu ornandi vel author , vel certe sua-
ſor extitisti : multosque humo exci-
tandos

tandos curauisti , in quos Cæcilianum
illud cōueniebat: *Sæpe etiam sub pallio*
sordido latet sapientia. In ista autem
Palentina Ecclesia , vbi tam multa sa-
pientiæ ac virtutis decora sunt, domi-
ciliūm ac sedem post Pij V. obitum,
collocasti : illorumque socius ac pro-
pe conuictor esse voluisti , quos tui
similes esse videbas, id est , sapientes
fructuosos'. Amorem enim & vitæ
coniunctionem morum similitudo
conciliat. Et quoniam sapientis est
in posterum præsentire ac prouidere,
seminarium ex sacrosancti Tridentini
Concilij decreto saluberrimo te-
duce in ista vrbe erectum est, quod in
tua benignitate conquieuit. Quid
autem nostra tibi Societas debeat , &
nostrum quisque præ se fert, & noui
templi parietes illi declarant, qui non
tam manu artificum , quām eximia
tua liberalitate crescunt, surgunt, at-
tolluntur.. Accipe igitur tui Bonifa-
cij munus exiguum , grati animi pi-
gnus & monumentum , in quo de eo
sapiente agimus, quem tibi omnium

)?(4 maxi-

maximè probari sentio: non enim
aut oratorem, aut concionatorem ad-
miraris, qui prodesse non soleat, qui-
que sola delectatione contentus ani-
morum vulneribus minimè medea-
tur. Et quia genus hoc sapientum fru-
tuosorum volumus esse perpetuum,
de seminariis quædam hic dicimus,
quæ, ut existimo, non leges inuitus.

Vale, & hoc habe munus à me, cu-
ius tenuitatem humanitatis
tuæ magnitudo sub-
leuabit.



IOAN-